


特別
18
3414
20





門 八 18
號 3414
卷 20

御訂全金詩增補中州集卷七十

金元好問原本

元好問八

燕都送馬郎中北上

功曹此日漢蕭何家世當年老伏波但愛紅蓮映
芳渚豈知寒谷變陽和珠囊不載模糊錦銀管先



早稻田大學
25.6.22
購 來

書茂異科太史占天應有喜一星朝處五雲多

馬雲漢方鏡背有飛魚

劫火依然百鍊初護持元自有神魚影寒似覺雲
屏透光落應分玉斗餘開朗休嫌露圭角圖通寧
復滯方隅衣冠正了渾閒在一片靈臺欲副渠

贈答鴈門劉仲修

仲修省郎乘傳過新興有詩見及推激過稱
甚非衰謬所宜得者媿汗之餘輒用韻爲謝

仲修詩律深密得於尊公鳳山老人過庭之
訓且其顏狀絕類吾友李從事長源故篇中
有及

車騎雍容一坐傾并州人物未凋零共知祭酒傳

家學

劉向爲劉
氏祭酒

獨愛中郎餘典刑東壁圖書欣有

託南溟風浪駭初經少微見比吾何敢洗眼仙槎
候客星

餘慶堂

五年霜戟照康莊萬里春風擁畫梁已覺并汾增
勝氣更從王郝借餘光靈椿丹桂知難老玉節金
符豈易量剩着殘毫授辭客南堂兼是棣華堂

寄答劉生

西州消息到東山懷袖新詩百過看白璧明珠驚
照座朔雲寒雪入憑欄省郎共結交情厚野老還
欣禮數寬後日秋風一罇酒草堂應得駐金鞍

別董得卿

爛醉秋風四十場此回歌笑重難忘揚雄詞賦今
誰識陶令田園先已荒同甲弟兄雖異姓宦游州
郡卽吾鄉懸知後日登高地剩爲行人望太行

送瑞甫西行

瀛洲人物早知名車騎雍容一座傾美酒清歌良
有味綠波春草若爲情渭城朝雨三年別平地青
雲萬里程老我秦遊舊曾約夢中仙掌已相迎

讀李狀元朝宗禪林記李守濟州城破不屈

節死贈鄉郡刺使

偶向禪林見舊文濟陽南望爲沾巾張巡許遠古
亦少烈日秋霜今更新千字豐碑誰國手百城降
敵盡王臣知君不假科名重元是中朝第一人

同嚴公子大用東園賞梅

東閣官梅要洗妝青雲公子不相忘翰林風月三
千首樂府金釵十二行佳節屢從愁裏過老夫聊
發少年狂花行更比梳行好誰道并州是故鄉

中庸先生垂示先大夫教子詩及裴內翰擇
之所述家傳愛仰不足情見乎辭

嚴訓常如天日照名家元自古今同只知楊秉餘

清節爭信譙立有素風

獨行傳
第一人

通德里門傳故事

平安韻語到兒童青青留在懷賢樹愛殺曹南一

畝宮

賀中庸老再被恩綸

萬古千秋麗澤堂紫泥恩詔姓名香治朝例有高

年敬神理終歸晚節昌東魯儒生傳舊學南曹方
志發幽光季春羔鴈秋風酒準擬年年薦壽觴

趙汲古南園

分得
軍字

林園近與六街隣塵漲都歸一水分魚樂定從濠
上得荷香偏向雨中聞接羅倒着容山簡老屋高
眠稱陸雲罇酒相陪有今日却慙詩壘不能軍

柳亭雨夕與高御史夜話

關塞無緣笑語同偶然情話此從容青天蜀道不

得過山色歸心空自濃九日茱萸藍澗酒十年朝

馬景陽鐘三間老屋知何處惆悵雲間陸士龍

高會

自藍田令入拜監察御史北渡後謀
還保塞而困於無資者二十年矣

玉峯魏丈哀挽

風馭翩翩渺獨征幾人終始復哀榮祇緣大事存
遺藁重爲斯文惜主盟北斗太山初未減秋霜烈
日凜如生莫疑知己無從報直筆君看戮進明

清明日改葬阿辛

掌上青紅記點妝今朝哀感重難忘金環去作誰
家夢綵勝空期某氏郎一瞥風花纔過眼百年冰
蘖若爲腸孟郊老作枯柴立可待吟詩哭杏殤

寄謝常君卿

百過新篇卷又披得君重恨十年遲文除嶺外初
無例詩學江西又一奇楊柳不隨春事老貞松唯
有歲寒知仙鄉白鳳瀛洲近洗眼雲霄看後期

送武誠之往漢陂

太原酒政端甫之
父此時爲黃冠

行李中春發晉溪離筵詞客賦新題青雲有路人
看老秋水無言物自齊杜曲舊遊頻入夢兵廚佳
釀惜分攜因君爲向蓮峯道不待移文我亦西

送劉子東遊

劉郎世舊出雄邊生長幽并氣質全陣馬風檣見
豪舉雪車冰柱得真傳書空咄咄知誰解擊缶鳴
鳴頗自憐後日東州飽歸載且休多送酒家錢

甲寅九日同臨漳提領王明之鹿泉令張奉

先賈千戶令春李進之冀衡甫遊龍泉寺僧
題求詩二首

遠水寒烟接戍樓黃花白酒浣羈愁霜林染出雲
錦爛春色併歸風露秋鄉社歲時容客醉石墻名
姓爲僧留登高舊說龍山好從此龍泉是勝遊
柿葉殷紅松葉青黃花霜後獨鮮明西風浩浩欲
吹帽石溜泠泠堪濯纓皇統貞元見題字良辰美
景記升平何人解得登臨意滅沒疎雲鴈一聲

十日作

關樹蕭條返照明井陘西北算歸程青黃大似溝
中斷文字空傳海內名平地烟霄遽如許秋風茅
屋可憐生重陽擬作登高賦一片傷心畫不成

贈答普安師

入座臺山景趣新因君鄉國重情親金芝三秀詩
壇瑞寶樹千花佛界春聞道舊傳言外意忘年今
得眼中人種蓮結社風流在會向藍輿認後身

孝純宛丘遷奉

張弟新舉第二雛聞其玉雪可念因以字之

鬢毛衰颯面塵埃孝子牽車古所哀千里長河限
南北一丘寒土見蒿萊遼東華表何人在柳氏玄
堂此日開十月知君有新喜小雛先與喚迎來

曹壽之平水之行

關塞相望首重搖相逢衰颯嘆顛毛驪珠可忍輕
彈雀牯餌何緣得釣鼈從昔丘園昌晚節向來山
岳總秋毫西風先有龍門約共舉一杯持兩螯

追懷趙介叔

今古人間各一時燕南剩有桂林枝清風明月懷
玄度綠水紅蓮見杲之善政傳歸遺愛頌陰功留
在稱家兒哀歌不盡平生意空想翛然瘦鶴姿

追懷友生石裕卿

人物休評第幾流依然豪俠數并州壯懷歌闕罇
爲破連句才多筆不休金馬只教聊避世玉犀誰
遣失封侯酒酣握手今無復惆悵西園是舊遊

金鑑詩經卷之十一
挽鴈門劉克明

詩骨翛然野鶴孤
兩年清座記圍爐
金初宋季聞遺事
草靡波流見古儒
已分幽人嗟古栢
爭教孺子奠生芻
鳳山後日先賢傳
再有劉宗祭酒無

贈答平陽仇舜臣

兩辱攜詩過草堂
曹君師席有輝光
飛騰自是功名具
潦倒何堪翰墨場
滄海驪珠能幾見
鄴城龍劍不終藏
太行殘雪春風近
且趁梅花薦壽觴

仇乃

曹益父
門生也

賈漕東城中隱堂

智水仁山德有隣
柳塘花塢靜無塵
家僮解誦閒居賦
田父爭持社甕春
安吉總輸中隱士
典刑真見老成人
明年恰入非熊運
共看青蒲裏畫輪

約嚴侯泛舟

風物當年小洞庭
西湖此日展江亭
詩貪勝槩題難徧
酒怯清秋醉易醒
白鳥無心自來去
紅蕖照

影亦娉婷仙舟共載平生事未分枯槎是客星

贈李同年德之歸洛西

亡奈流光冉冉何逢君聊得慰蹉跎飛黃老去空
奇骨拙燕歸來只舊窠舉世盡從愁裏過一罇獨
愛醉時歌洛中定有人相問休道今年白髮多

贈蕭漢傑

并序

蕭漢傑大興人金國初嘗賜姓奧里氏故時
人又謂之奧里漢傑父仲寬居之飛龍榜登

科同知青州軍州事致仕有子六人皆使宦

學獨漢傑不樂

去聲

遂作舉子爲人慷慨有志

膽好讀書古兵法及陰陽孤虛祿命之術從
軍二十年積官從三品領虢州倅關陝總帥
府提控佩金符蓋自燕城圍解之後間關南
渡出入行陣間瀕於死者屢矣鐵嶺之潰復
入陝州陝州亂羣不逞輩繫漢傑獄中漢傑
乘昏莫破械而出懼爲追者及駕浮壺亂黃

流筋疲力涸僅達北岸爲失侯故將者又二
十年流離頓踣人所不能而意氣都不少衰
以人情觀之豈碌碌者所可辦耶壬子冬與
予相值於東原問其世知其爲故人大鈞之
同母弟也問其日事則曰止以唐生季主之
業游時貴間耳因與論余之行年而有契於
余心者私竊慨歎以爲倚仗叵測哀與樂相
尋生也有涯而跼於憂畏浩浩乎如乘舟而

遇風波非知其亡可奈何而安之其何以收
利涉之功乎漢傑爲有得矣其別也因爲長
句以贈

按金國語解無奧里姓氏諸人事物
類亦無此稱

射虎將軍右北平短衣憔悴宿長亭雷轟寶劍無
留迹火借青囊爲乞靈四壁不知貧作崇一瓢誰
識醉中醒相逢莫話楛機石自省枯槎是客星

送曹幹臣

和
林音驛日懷思燕市歌權有此時老我真成鐵
爐步感君時送草堂貲黃楊舊厄三年閏赤驥非
無萬里姿平地烟霄副公等不妨閒和鳳池詩

國醫王澤民詩卷

萬石君家父事兄豈知衰俗有王卿一篇華袞中
書筆滿紙清風月旦評鴻鴈自分先後序鶴鴿兼
有急難情閨門雍睦君須記方伎成名恐未平

唐祖臣母挽章

白髮承平一夢過怡然冠帔見慈和肩輿燕喜今
無復手綫留殘恨更多舍肉已甘非潁谷學仙何
敢望西河升堂結友平生事重爲王君廢蓼莪

感寓

南楊北李閒中老樂丈張兄病且貧叔夜呂安誰
命駕牧童田父實爲隣功名富貴知何物風雨塵
埃惜此身歌酒相逢暫陶寫不應嫌我醉時真

李仁

卿柳正卿樂
舜咨張緯文

趙元得御史兄七袞之壽

總道浮雲世態新
典刑依舊老成人
松身鶴骨詩千狀
玉潤冰清德有隣
已卜新居近泉石
不應晚節傍風塵
平頭七十從頭數
才是梅溪第一春

送仲希兼簡大方

家亡國破此身留
留滯聊城又過秋
老去天公眞潰潰
亂來人事轉悠悠
碁中敗局從誰覆
鏡裏衰容只自羞
方外故人如見問
爲言乘興欲東流

送郭大方

雲裝烟駕渺翩翩
是處林泉有靜緣
存歿共驚初劫後
交游空記十年前
忘言秋水聊揮麈
得意高山未絕絃
明月太虛君自了
相思休泛剡溪船

送李甫之官青州

親朋離燕日相仍
又向扁舟別李膺
晚節浮沉疑未害
終年哀樂自難勝
樊籠不畜青田鶴
朔吹初翻白錦鷹
鄭重雙魚問消息
故侯瓜圃在東陵

答晁公憲世契二首

晁文元公之後遊
仙李承旨之外孫

文元道院玉爲淵臥治堂中宅相賢名世共知先
德在詩書仍自外家傳獨先月旦宜無愧久辱泥
塗恐未然子弟他年拜矜式萬鍾應待餞華顛
通家能有幾人存華屋生平得細論入座舊曾稱
小友挾書今復授諸孫已煩學舍分餘俸更約田
家共老益一諾知君重山嶽車行五日是并門

寄史得秀兼呈濟上諸交遊

久揅身世不相關暫入塵埃亦自難一旱且當逃
赤地二年爭得厭青山陽臺寒食林花盛鐵岍南
風草閣寒鄉社追隨有成約更教空負老來閒

答吳天益

兵中曾共保嵩丘忽漫相逢在此州鵝鴨何嘗厭
喧聒燕鴻無計得遲留白頭親舊常千里黃葉關
河又一秋三徑他時望羊仲却應松菊未銷憂

有三徑松
菊之句

來詩

答郭仲通二首

白髮歸來一布衣東臯春草映柴扉向時諸老供
薰沐此日孤生足罵譏遁世已甘成遠引刺天何
暇計羣飛光芒消縮都無幾慚愧詩人比少微

來詩

有少微
星之句

一罇何意復同傾亂後真疑隔死生吐氣無妨出
芒角忍窮尤喜見工程千年老檜盤根古十丈寒
潭照膽清凜凜風期望吾子不成隨例只時名

蘭文仲郎中見過

玉臺辭客富年華樂府風流有故家水碧金膏步
兵酒天香國色洛陽花皇居鬱鬱今何在世事悠
悠日又斜後夜雲州古城下故應回首一長嗟

壽趙益之

山東諸將擁行臺共許元戎有雅懷文字誰如祭
征虜威名人識李臨淮農郊荆棘連新麥儒館丹
青映古槐看取邦人祝君壽五雲多處是三台

趙侯雅負平原量楊子今爲四海儒已遣父兄知
義訓肯容兒輩作耕夫鶯遷高樹音容改魚得明
珠尾鬣殊駟馬高門看他日始知種德有根株

與宗秀才

陽平作

贈馮內翰二首

并序

內翰馮公往在京師日渾源雷淵希顏太原
王渥仲澤河中李獻能欽叔龍山冀禹錫京
甫皆從之問學某蚤緣亦得俎豆於門下士

之未然自辛卯壬辰以來不三四年而五人
者唯不肖在耳丙申夏六月公自東平將展
墓於鎮陽以某在冠氏枉駕見過時公方爲
髀股所苦吟呻展轉若非老人之所能堪然
閒語及舊事則危坐終日往往爲之色揚而
神躍以公初挂冠歸嵩山時較之其談笑風
流固未減也竊意造物者錫公難老使後生
輩望見眉宇以知百年文章鉅公敦龐耆艾

全金詩卷七十一
之士褒衣博帶坐鎮雅俗者蓋如此橫流方
靡而砥柱不移故國已非而喬木猶在幸公
之可恃而哀四子之不見也作詩二章以道
區區之懷於公之行而爲之獻

馮卽叔獻名

壁有松醪鬪蘭事見三十卷

者舊如公可得親爭教晚節傍風塵青氈持去故
家盡白帽歸來時事新扶路不妨驢失脚守關尤
覺虎憎人只應有似松菴日時醉中山麴米春

龍門冠蓋日追隨四客翩翩最受知桃李已隨風
雨盡栢松獨與雪霜宜元龜華髮渠有幾清廟朱
絃誰與期見說常山可歸隱從公未覺十年遲

九日午後入府知曹子凶問夜爲不能寐爲

作詩二首

角逐文場早決機晚年書卷不停披詩如魯望何
多態檄比賓王又一奇題品自當高等級搜求誰
復盡毫釐遺編綴葺非吾事千古朱絃有子期

造物無心賦耦奇敢從窮達計前期參軍桓府得
君重奮翼澠池徒爾爲一瞥風花才過眼半生歌
笑幾伸眉陸家正有諸郎在寶劍千金更屬誰

益父曹弟見過挽留三數日大慰積年傾系
之懷其行也謾爲長句以贈弟近詩超詣殆
欲度驂騮前故就其所可至者而勉之

九萬扶搖先有程祗應貧病坐時名暫同寢飯聊
堪喜細話艱危却自驚從事舊慙三語掾通家猶

記十年兄文章正脉須公等如我何年畫虎成

贈李文伯

鳳凰在山天下奇泰和以來王李倪承平人物天
未絕耆舊風流今復誰青紅自是兒女事老幹寧
與春風期萬壑松聲一壺酒從公未覺去年遲

超然王翁哀挽

直擬期頤薦壽罇却從圖畫記生存百年喬木衣
冠古一夕西菴笑語溫故事未霑通德里素風多

負讀書孫吳陳諸老今誰在滅沒歸鴻是薊門

贈答趙仁甫

南冠牢落坐貧居却爲窮愁解著書但見室中無
長物不聞門外有軒車六朝人物風流在兩月燕
城笑語疎寒士歡顏有他日晚年留看定如何

同德秀求田燕川分得同字

數家村落翠微中茅屋真堪著病翁水竹漸知盤
谷近鄉隣仍與玉川通清泉白石言猶在赤日紅

塵夢已空杖履追隨自今始此行聊記與君同

德秀家兒子

犀插隆顛玉作肌名郎風骨見來奇靈椿丹桂詩

將應玉杵玄霜夢已知

兒未生時
夢得一兔

竹馬乍騎猶未

慣斑衣才着更相宜鳳山自有鷓鴣種九子相從
不厭遲

贈任丈耀卿

袖手名城得海藏不妨身與世相忘故人非復烏

衣巷勝事仍餘綠野堂茶竈漫煎雲脚散蓮舟清
嘯月波涼投詩未覺追隨遠預怯君家百罰觴

賀德卿王太醫生子

喜色門闌笑語譁新兒浴罷試鉛華岳蓮盡發三
峯秀夢筆驚看五色花此日壽筵分象果異時雲
漢望仙槎并州金馬君知否藥籠陰功是故家

贈麻信之

梁苑同來手重分洛西清語意尤親相期晚歲定
知我可道古人惟有君霽日光風開白晝瓊林珠
樹照青春陸機舊有三閒屋便擬東頭着弟雲

射虎

虎跡駸駸近九關豈知飛將乃黃間弦弧霹靂應
手破從騎爛斑載錦還得意雲雷捲勅敵迴頭藜
藿但空山寢皮食肉男兒事未分書生袖手閒

茗飲

宿醒未破厭觥船紫笋分封入曉煎槐火石泉寒

食後鬢絲禪榻落花前一甌春露香能永萬里清
風意已便邂逅華胥猶可到蓬萊未擬問羣仙

寄劉光甫

山澤臞儒亦自豪塵埃俗吏豈勝勞陶潛貧裏營
三徑潘岳秋來見二毛芻狗已陳甘自棄轅駒未
脫欲安逃因風寄謝劉夫子極口推稱恐太高

過臯州見聶侯

澗岡重複竝湍流斜日黃榆嶺上頭地底寶符臨

趙國眼中佛屋見黃州雲沙浩浩鴈良苦木葉蕭
蕭風自秋別後故人應念我一詩聊與話離憂

病中感寓贈徐威卿兼簡曹益甫高聖舉先

生

讀書畧破五千卷下筆須論二百年正賴天民有
先覺豈容文統落私權東曹掾屬冥行廢鄉校迂
儒自聖癩不是徐卿與高舉老夫空老欲誰傳

洛陽高少府灑陽後菴

方外人長樂山中物自幽百年梅福隱萬古謫仙
游

內鄉雜詩

犬吠桃源近鶯聲柳巷深蒼苔留醉臥青竹伴幽
尋

薛明府去思口號七首

能吏尋常見公廉第一難只從明府到人信有清
官

畫諾繇官長昂頭顧吏頻只從明府到判筆不傳
神

麋鹿山中盡公廚破幾錢只從明府到獵戶得安
眠

木索人何罪纍纍滿獄中只從明府到牢戶二年
空

驛舍無歌酒清談了送迎卽看明府去畫鼓有新
聲

舊日逃亡屋鎌鉏色色新卽看明府去還作賣牛人

疾惡看平日天然御史才豪姦休鼓舞驄馬卽西來

南樓月夕望鳳山有懷武鍊師子和

相望不相見山中君得知南樓今夜月也到洗參池

山中晚春

雲光金碧聚林烟綵翠新山花發較晚今年兩見春

得緯文兄書

鵲語喜復喜山城誰與娛青燈一杯酒千里故人書

乙巳九月二十八日作

關山小雪後絮帽北風前殘月如新月今年老去年

定齋兄寫真

朱黃筆底三篋白黑胸中兩碁畫作蕭然野服雲
龍終日駸駸

巨然秋山爲鄧州相公賦

筆端游戲三昧物外平生往還爲問阿師何在白
雲依舊青山

唐子達扇頭

溪光冷於冰山骨淨如玉白雲自老人自閒莫遣

秋風破茅屋

文湖州草蟲爲劉使君賦

造物無心筆有神翩翩飛動百年新蟲魚瑣細君
休笑學會屠龍老卻人

京都元夕

袷服華妝着處逢六街燈火鬧兒童長衫我亦何
爲者也在游人笑語中

藍采和像

長板高歌本不狂
兒曹自爲百錢忙
幾時逢着藍衫老
同向春風舞一場

鴛鴦扇頭

雙宿雙飛百自絲
人間無物比風流
若教解語終須問
有底愁來也白頭

書生

書生千古一蠶腸
蓋世功名不自償
更笑登封武明府
兩盂白粥半生忙

早起

北舍南隣獨樂聲
袂衣晨起覺秋清
豆苗欲熟朝朝雨
喚殺雙鳩不肯晴

拙菴爲溫甫賦

毫端棘末幾人爭
愚智相懸賦分平
畢竟世閒誰是巧
鬢毛愁白可憐生

納涼張氏莊二首

小橋深竹午風便
一道垂楊帶亂蟬
山下行人遮

日去却從茅屋問瓜田

樹陰環合水滌洞樹下行人坐綠苔絕似藁蒙山

下路眼中唯欠繫舟嵬

藁蒙繫舟皆水中山鄉人謂之繫舟嵬

送窮

日吉時良利動遷可能顏巷卜終焉主人不倦星
奴倦辛苦年年縛草船

自題畫真二首

山林日月老潛夫骨入窮泉未擬枯幽澗有冰舍

太古無人和玉試洪鑪

孫綽雖沒泉壤屍且不朽

一派春烟淡不收漁家已許借扁舟山林且漫蹉
跎去莫問人間第幾流

再題

高談世事真何者多竊時名亦偶然山鹿野麋君
自看擬從何地着貂蟬

吳子英家靈照圖二首

船入江西萬有空漉羅活計百錢功阿靈了却無

生話想得蕭然似卷中

抱犢山高記洛川寸腸西去似繩牽而今恰羨龐

家好兒女生來只眼前

時女嚴在盧氏
約歸寧未至

劉鄧州家聚鴨圖

沙浦空明洲景微枯荷折葦澹相依若爲化作江
鷗去拍拍隨君貼水飛

戊子正月晦日內鄉西城遊眺

雄蜂雌蜨爲花狂陌上游人醉幾場前日少年今

白髮却來閒處看春忙

聞仲澤丁內艱

升堂未幾訃音聞凶服衰羸日念君昨夜東南雷
雨惡遙知號哭遶新墳

贈眼醫武濟川

世眼紛紛昧是非不應刮膜在金鑷知君聖處工
夫到且道心盲作麼醫

賦粹中師竹拂子

了却香嚴一擊緣滿梳華髮伴談玄誰知拂月披
風意已具鈴鎚未落前

題伊陽楊氏戲虎圖

大班哆笑口侵耳小斑蓄縮如乞憐戲鬪真成兩
勃敵發機誰在卞莊前

王子端內翰山水同屏山賦二首

鄭虔三絕舊知名副與時人分重輕遼海東南天
一柱胸中誰比玉崢嶸

萬里承平一夢閒風流人物與江山眼明今日題
詩處却見明昌玉笋班

右司正之家渭川千畝圖二首

官街塵土霧中天入眼荒寒一灑然大似終南山
下看北風和雪捲蒼烟

老眼蕭郎筆有神巖姿洲景盡天真情知一段幽
閒趣不必清談着晉人

同希顏欽叔玉華谷分韻得軍華二字二首

竝山一逕入秋雲草樹低迷劣可分開道無煩謝

康樂挽疆須得李將軍

時有虎害故戲云

深山水木湛清華興到窮探亦未涯轉石猶能起

雷雨題詩自合動烟霞

轉石當日事

同希顏欽叔玉華谷還會善寺卽事二首

高風捲盡四山雲泉石烟霞得細分大是山靈設

清供惜無佳句答殷勤

詩翁徹骨愛烟霞別似劉君住玉華鐵笛不曾從

二草頭巾久已挂三花

趙隱芝子端同年進士令任城爲猾吏所誣遂隱居

今年八十餘自言胎仙已成不久去世云

從鄧州相公覓酒時在鎮平

寒日山城雪四圍空山孤坐意多違江州未覺風

流減可使陶潛望白衣

鎮平寄姪孫伯安筆

隆顱犀角掌中珠不見經年日念渠領取阿翁郎

管筆試教學寫問安書

全金詩卷七十一
三
黃筌龜藏六圖爲張左丞賦

無心舒卷副皇天不幸剗腸亦偶然世上疑謀待
君決可能藏六便安全

鎮平書事

勸農冠蓋已歸休了却逋懸百不憂可是諸人哀
老子半窓紅日擁黃紬

自鎮平暫往秋林道中寄家

風雨塵埃了半生西山歸去眼增明浮雲夫壻今

如此莫遣迎門有歎聲

超化

秋風嫋嫋入僧窓盡得諸山草木香却恨大梁三
日醉不來超化作重陽

又云擬借扁舟弄秋水自
嫌塵土浣沙鷗餘不記

寄女嚴二首

添丁學語巧於絃詩句無人爲口傳竹馬幾時迎
阿姊五更教誦木蘭篇

眼前兒女最關情不見經年百感并聞道全家解

禪理擬從香火問無生

無題二首

七十鴛鴦五十絃酒薰花柳動春烟人間只道黃金貴不問天公買少年

春風也解惜多才嫁與桃花不問媒死恨天台老劉阮人間何戀却歸來

希顏挽詩五首

官銜寥落在銘旌才命寧論重與輕不作漢家賢

傅去空勞明主識蕭生

溘焉溟漠旌紀寂寞魏書中隱逸傳語

山立揚休七尺身紫髯落落照青春從教不入麒麟畫猶是中朝第一人

人間無路問天公自古才難更阨窮日月不爲千載計江山長惜萬夫雄

萬古文章有正傳驂騑爭道望君先傷心一入重泉後再得斯人又幾年

一世龍門屬李膺待君提拂遂騰升千年荆棘龜

跌在會有人尋下馬陵

出鄧州

本無奇骨負功名取次誰教髀肉生未到白頭能
幾日六年留滯鄧州城

過希顏故居四首

缺壺聲裏短歌行星斗欄杆醉膽橫虎視鷹揚何
處在道邊孤塚可憐生

鶴蓋成陰着處同一時人物酒杯中臣門如市心

如水世俗論量恐未公

莫去朝來萬化途飛揚跋扈亦區區劇談不盡平
生意能有精微入夢無

把臂論交分最深三夫成虎古猶今百年唯有區
區在地下纔應識此心

雜著四首

萬期流轉不須臾物物觀來定有無玉席紙衣全
一盡枉將白骨計榮枯

全金詩卷七十一
三
鳧短何如鶴有餘非魚誰謂子知魚一枝莫作鷓
鷓看水擊三千不羨渠

太虛空裏一游塵造物雖工未易貧臧獲古來多
鼎食可能夷叔是饑人

六國孱王走下風神人鞭血海波紅無端一片雲
亭石殺盡蒼生有底功

泗水龍歸海縣空朱三王八竟言功圍碁局上豬
奴戲可是乾坤鬪兩雄

戚夫人

鴻鵠冥冥四海飛戚夫人舞淚霑衣無端恨殺商
山老剛出山來管是非

題山谷小豔詩

法秀無端會熱謾笑談真作勸淫看只消一句修
修利李下何妨也整冠

家山歸夢圖三首

別却并州已六年眼中歸路直如弦春晴門巷桑

榆綠猶記騎驢掠社錢

繫舟南北莫雲平
落日滹河一線明
萬里秋風吹布袖
清輝亭上倚新晴

游騎北來塵滿城
月明空照漢家營
卷中正有家山在
一片傷心畫不成

四皓圖

身墮安車厚幣中
白頭塵土宛西風
當時且不出山閒
老羽翼區區有底功

雜著

老優慣着沐猴冠
却笑傍人被眼設
造物若留殘喘在
我儂試舞你儂看

俳體雪香亭雜詠十四首

亭在故汴宮仁安殿西刻二首

滄海橫流萬國魚
茫茫神理竟何如
六經管得書生下
闊劍長鎗不信渠

萬戶千門盡有名
眼中歷歷記經行
賦家正有蕪城筆
一段傷心畫不成

金鑑詩卷七十一
三十四
春夕

數枝殘雪梅仍在
幾日東風柳已嬌
春酒價高無可典
小紅燈影莫相撩

梅花

一樹寒梅古寺邊
荒山老木動春妍
東家賴有詩人在
照影橫枝莫自憐

溪上

短布單衣一幅巾
暫來閒處避紅塵
低昂自看水

中影好箇山間林下人

息軒楊祕監雪行圖

長路單衣怨僕僮
無人說向息軒翁
長安多少貂裘客
偏畫書生着雪中

楊煥然生子四首

掌上明珠慰老懷
愁顏我亦爲君開
異時載酒揚雄宅
知有迎門竹馬來

人家歡喜是生兒
巷語街談總入詩
我欲去爲湯

餅客買羊沽酒約何時

半生辛苦坐耽書我笑先生老更迂生子但持門
戶了玄談何必似童烏

阿麟學語語牙牙七歲元郎髻已丫更醉使君湯

餅局兒曹他日記通家

阿麟張君
美兒子

啓母石

書載塗山世共知誰傳頑石使人疑可憐少室老
突兀也被人呼作阿姨

雜著二首

白髮劉郎老更癡人間那有後天期茂陵石馬專
相待種下蟠桃屬阿誰

白髮中官解道詩殷勤仍爲惜花枝雪香亭上清
明宴記得君王去歲時

簷

香墨燒殘水麝塵內家新樣入輕勻郭熙只爲吳
山老爭信窓閒有小顰

送窮

煎餅虛拋盞撒堆滿城都道送窮迴不如留取窮
新婦貴女何曾喚得來

三鄉時作

山林鍾鼎不相兼說着浮名夢亦嫌菽水盡歡吾
豈敢老親自愛薺羹甜

癸巳五月三日北渡三首

道傍僵臥滿纍囚過去旃車似水流紅粉哭隨回

鶻馬爲誰一步一迴頭

隨營木佛賤於柴大樂編鐘滿市排虜掠幾何君
莫問大船渾載汴京來

白骨縱橫似亂麻幾年桑梓變龍沙只知河朔生
靈盡破屋疎烟却數家

桑梓其剪爲龍沙乎郭璞語

登珂山寺三首

澹澹長空白鳥迴江山都入妙高臺六鼇只解翻
溟渤不駕東南日觀來

泰山在東南而此山不見

悠悠誰了未生前一落泥塗又幾年堪笑長清郭

明府再來仍被葛藤纏

長清郭明府自省風世是此寺比丘及作寺碑宛然

算沙語也

白日紅塵往復還深居那得似禪關出門應被山

僧笑纔得雲林半日間

夢中作

夢人請賦四禽語其一泥滑滑也

春泥滑滑滿春山慚愧幽禽喚客還安得便乘雙

翼去綠雲清晝伴君閒

奉酬子京禪師見贈之什二首

南風穩送北歸船留得虛名一指禪崧少詩僧幾

人在因君迴望一悽然

舊遊重憶故人詩一點青燈兩鬢絲不似戒壇明

月夜杏花香裏唱歌時

往在崧山時陪馮內翰雷御史游戒壇詩中所道蓋

當時事也

杏花

桃李前頭一樹春絳唇深注蠟猶新只嫌憨笑無

人管開簇枯枝不肯勻

聊城寒食

輕陰何負探花期白髮於春自不宜城外杏園人去盡煮茶聲裏獨支頤

姨母隴西君諱日作三首

竹馬青衫小小郎阿姨懷袖阿孃香一龕白骨黃河隔遙望梁門哭斷腸

病起拈針眼未花團圞兒女運司衙今年得在應

猶健更好從頭說外家

宿神霄北菴夢中作

素月空流散紫烟座中人物半神仙麗川往事渾如夢信手題詩一泫然

夜雪

三更殘醉未全醒夢裏嬌兒索乳聲茅屋不知門外雪黃紬衾煖紙窓明

冠氏趙莊賦杏花四首

金言卷七十一
一樹生紅錦不如乳兒粉抹紫檐榆花中誰有張
萱筆畫作宮池百子圖

文杏堂前千樹紅雲舒霞卷漲春風荒村此日腸
堪斷迴首梁園是夢中

錦樹烘春爛不收看花人自爲花愁荒蹊明日知
誰到憑仗詩翁爲少留

東風誰道太狂生次第開花却有情聞道紀園千
樹錦一罇猶及醉清明

自趙莊歸冠氏

春華澹澹曉寒輕野草搖風半白青誰識杏花牆
外客舊曾家近麗川亭

戲贈白髮二首

鏡中昨日又明朝破屋春深雪未消摘下數莖聊
自笑貴人頭上不相饒

問愁何怨復何讐直要青春便白頭拚却鏡中渾
似雪且看渠待幾時休

戲題醉仙人圖

醉鄉初不限東西
桀日湯年一理齊
門外山禽喚沽酒
胡蘆今後大家提

提胡蘆沽美酒禽語也

濟南雜詩五首

匡山聞有讀書堂
行過山前笑一場
可惜世閒無李白
今人多少賀知章

華山真是碧芙蓉
蕩湖水湖光玉不如
六月行人汗如雨
西城橋下見游魚

斫來官樹午陰輕
湖畔遊人怕晚晴
一夜靈泉菴

上宿四山風露覺
秋生

入秋雲物便淒迷
一道湖光樹影齊
詩在鵲山烟

雨裏王家圖上舊
曾題

王清卿家有鵲山烟雨圖

看山看水自繇身
着處題詩發興新
日日扁舟藕花裏
有心長作濟南人

題解飛卿山水卷

平生魚鳥最相親
夢寐烟霞卜四隣
羨殺濟南山

水好幾時真作卷中人

趙士表山林莫雪圖爲高良卿賦二首

颼颼林響四山風雪後人家閉戶中應被火爐頭
上說水邊清殺兩詩翁

黃塵遮斷山閒夢白髮重尋畫裏詩好似玉溪溪
上路醉和王老喚船時

倫鎮道中見槐花

名場奔走競官榮一紙除書悞半生笑向槐花間

前事爲君忙了竟何成

鄭先覺幽禽照水扇頭

臨水華枝澹澹春水光華影兩無塵風流一枕西
園夢惆悵幽禽是故人

龍泉寺四首

懸麻白雨映層崖過盡行雲晚照開可是登臨動
高興馬頭新自太行來

泉石烟霞自一家殘僧隨分了生涯雞鳴山下題

詩客曾到靈巖不用誇

河邊殺鱣尚能飛無角無鱗自一齊甲子紛紛更

兒戲壁間休笑阜昌題

寺北齊時建又多劉豫阜昌中石刻并題名

遶渠寒溜夜潺潺說有蛟龍在石間可惜九天霖
雨手一泓泉水伴僧閒

李進之迂軒二首

白髮歸來世事新書生風味是清貧欹欹歷落從
人笑潦倒麤疎我自真

舉世營營共一途要來閒處費工夫入門且莫分
賓主不但君迂我亦迂

過邯鄲四絕

富貴榮華一嘆嗟依然夢裏說韶華千年幾度山
河改空指遺臺是趙家

人事存亡不易知及時娛樂恨君遲後人共指叢
臺笑三尺堯堊竟屬誰

川原落落曙光開四顧山河亦壯哉前日少年今

白髮只應孤塔記曾來
死去生來不一身定知誰妄復誰真邯鄲今日題
詩客猶是黃梁夢裏人

杏花雜詩

小橋南北夢幽尋殘醉曹騰不易禁一樹杏花春
寂寞惡風吹折五更心
西山漠漠有無中幾日園林幾樹紅燕子銜將春
色去錯教人恨五更風

屈指殘春有別期春風爭忍片紅飛若爲釀得千
日酒醉着東君不放歸

惠崇蘆鴈二首

鴈奴辛苦候寒更夢破黃蘆雪打聲休道畫工心
獨苦題詩人也白頭生

江湖牢落太愁人同是天涯萬里身不似畫屏金
孔雀離離花影淡生春

雜著

全金詩卷七十一
昨日東周今日秦咸陽烟火洛陽塵百年蟻穴蜂
衙裏笑殺崑崙頂上人

雪香亭

羅綺深宮二十年更持桃李向誰妍人生只合梁
園死金水河頭好墓田

御訂全金詩增補中州集卷七十一

金元好問原本

元好問九

楊祕監馬圖

大青小青天馬姿楊侯房星非畫師忽見奚官記
前事東華馳道晚涼時

竹溪夢遊圖

意外荒寒下筆親經營慘淡似詩人何時萬頃風
烟裏白髮刁騷一幅巾

藥正卿餉酒

宿醒未解渴生塵驚見王弘餉酒人獨恨文書困
佳客不來同醉五更春

王都尉山水

平林漠漠數峯閒詩在巖姿隱顯閒自是秦樓畫

眉手不能辛苦作荆關

贈絕藝杜生

迢迢離思入哀絃非撥非彈有別傳解作江南斷
腸曲新聲休數李龜年

趙大年秋溪戲鴨二首

寒沙折葦浙江灣詩在波痕滅沒閒前日扁舟人
老矣却從圖畫羨君閒

畫家朱粉不到處淡墨自覺天機深賣酒壚邊見

崔白王孫真有五湖心

米元章畫史趙昌王友崔白但可爲酒家遮牆壁耳

自題二首

共笑詩人太瘦生誰從慘淡得經營千秋萬古迴
文錦只許蘇娘讀得成

千首新詩百首文藜羹不糝日欣欣鏡中自照心
語口後世何須揚子雲

北歸經朝歌感寓三首

南來山勢漸坡陀蕩蕩川涂接大河馬上哦詩無

好語聊從白塔記朝歌

黃屋何曾土作階禍基休指九層臺書生不見千
秋後枉爲君王泣玉杯

墨翟區區不近情迴車曾此避虛名采薇唯有西
山老不逐時人信武成

內黃道中楚王廟荆公有誰合軍中稱亞父
却須推讓內黃兒之句因爲范增解嘲

一怒屠城一說留書生剛爲范增羞軍中老子關

何事副與兒曹調沐猴

題蘇氏寶章

二老風流有典刑諸郎蘭玉映階庭
峩峩媚寶氣千年在未數陳家聚德星

長公忠義似顏平原次公冲澹似林西湖故字畫有不期合而合者最後數帖所謂蘇氏三虎叔黨爲最怒耳

劉氏明遠庵三首

豪氣元龍百尺樓功名場上早抽頭
路人不識閒居士袖手雍容活兩州

世閒無物礙虛空宴坐經行一體同
老眼不應隨境轉江山元只在胸中

落落雲閒晚照開上方別有妙高臺
栽花種柳明年了拄杖敲門日日來

題李庭訓所藏雅集圖二首

萬古文章有至公百年奎壁照河東
衣冠忽見明昌筆更覺昇平是夢中

景星丹鳳一千年合着丹青與世傳
誰畫風流王

李郝大河南望淚如川

王謂仲澤李謂長源郝謂仲純

馬坊冷大師清真道院二首

水際茅齋星散居白雲閒伴五溪魚茂林修竹山
如畫蘸碧軒中恐不如

靜中人境兩翛然我亦因君有靜緣已約青山來
枕上水亭風榭看明年

惠崇獐猿圖

月嘯烟呼本不羣筆頭同是一
雲野情山態令

人羨世路機關不似君

寄史同年二首

情話通宵慰別離殷勤釀酒趁花期沁南只道梅
花早猶較歸程十日遲

相君許送買山錢晚歲隣居定有緣一樹梅花一
樽酒知君東望亦悽然

宋周臣生子三首

試手君家助喜詩秋風丹桂長新枝昂霄聳壑他

年見木月同宮記此時

木月同宮五星家謂人以此時生者長必貴

玉季金昆世共賢天將文筆副家傳清新未要梅

花賦射虎留看第二篇

鄉先生宋濟川以射虎詩著名

雛鳳來時鶴卵成兩兒前後不多爭阿寧解語應

須道猶是渠家百日兄

乞酒示皇甫季貞

醉頭慵舉睡昏昏夢裏青旗雪擁門枕上一杯風味好糟牀何處得茶渾

李白騎驢圖

八表神游下筆難畫師胸次自酸寒風流五鳳樓前客枉作襄陽雪裏看

許由擲瓢圖

不知黃屋不知堯喧寂何心計一瓢我是許由初不爾只將盛酒杖頭挑

九月晦日

松楸千里動悲哀說道迴家早晚迴九月忽驚今

日盡滿城風散紙錢灰

雜著

燒殘芻狗不能神一色貂裘繡帽新好箇路傍官
堠子經年端坐看行人

送窮

送君君去欲何之暫去還來也不辭但媿苦無相
贈物柳船輕似去年時

卽事

四長東州貢姓名阿茶能誦木蘭行元家近日添

新喜掌上寧兒玉刻成

寧兒叔開小字阿
茶第四女字叔開

侯相公所藏雲溪圖曾命賦詩三首但記其

一云祖道東門未有涯田君方駕入宮車祗

應千古狼溪路人說山中宰相家相公以體

重不任步趨詔許駕小車至朝殿外門故予

詩及之北渡後往東平路經雲溪因爲之賦

黃山圖子翰林詩千里東州有所思前日相公門

下客國亡家破獨來時

陳德元竹石二首

一片春雲雨未乾
兩枝新綠倚高寒
瘦龍不見金書字
試就宣和石譜看

萬石網船出太湖
九州膏血一時枯
阿誰種下中原禍
猶自昂藏入畫圖

同漕司諸人賦紅梨花二首

梨花曾比太真妃
別有風流一段奇
白雪爲肌玉

爲骨淡妝濃抹總相宜

瓊枝玉蘂靜年芳
知是何人與點妝
可道海棠羞欲死
能紅能白更能香

吳子賢樗庵二首

人道樗形百醜全
我知造物向君偏
世閒正有明堂柱
偃蹇風霜得幾年

廣莫初無匠石過
一丘一壑奈君何
世閒正有明堂柱
春草輸贏較幾多

全金詩卷十一
六一
太一蓮舟圖三首為濟源奉先老師賦

老師
吾宗

盟

泠泠風外列僊臞琢玉羊欣定不如六合空明一

蓮葉更須遮眼要文書

仙人在蓮
葉卧看書

仙人寧得此婆娑亡奈丹青狡獪何我與太虛同
一體也無蓮葉也無波

泰一青藜出漢年明窓開卷一欣然憑君莫問題
詩客不是韓駒第二篇

遊天壇雜詩八首

只願長城沒徹頭豈知蒸土更堪憂秦人若見千
年後抱杵臨洮老死休

避秦
溝

仙貓聲在洞中間憑仗兒童一問君同向燕家舐

丹鼎不隨雞犬上青雲

仙貓洞是日兒子叔儀呼
貓應者土人傳燕家雞犬

升天貓
獨不去

諸峯羅列擁朝臺落日行雲一望開絕似泰山山
上看分明齊嶺是徂徠

空翠霏烟海浪深
鰲頭鵬背半浮沉
不知脚底山多少
還盡平生未足心

道民終不忘天台
姓字依然在蜜崖
爲問松臺千

歲鶴白雲何處不歸來

近歲盧氏蜜崖人迹不及處有題字云道民天台司

馬承禎過松臺卽白雲老葬地

仙人龍躋玉爲鞭
石穴留書世不傳
弱水蓬萊三

萬里青山今古幾何年

近年人有得司馬先生石穴所藏丹經予獲觀於山

陽

風期身後復身前
一讀丹華似有緣
八表神遊吾豈敢
或能搖筆賦垂天

擬着茅齋北斗平
殘年細讀洗心經
詩成應被盧

仝笑曾見青山養伯齡

盧仝送伯齡出山云伯齡不厭山山不養伯齡予以

早當出山故自戲云北斗平在天壇之後

初發潞州

潞州住久似并州
身去心留不自繇
白塔亭亭三十里
漳河東畔幾迴頭

雜詩六首道中作

鼠肝蟲臂復何辭
坎止流行亦有時
已被吳中喚
僮父却來何朔作炎兒

隆州兵騎往來衝
客路灰郊更向東
大似天教浣
塵土數程都在水聲中

懸崖飛瀑駭初經
白玉雙龍擊迅雷
却恨暑天行
過速不曾赤脚踏清泠

黃華北下馬陵南
佛屋燒殘有石龕
想是故鄉行

欲近粥糜渾覺水泉甘

莊休通蔽玄相妨
鄉社情親豈易忘
司命果能還
舊觀髑髏端合羨侯王

鄉關白日照青天
徒步歸來亦可憐
袖裏新詩一
千首不愁錦繡裹山川

初挈家還讀書山雜詩二首

并州一別三千里
滄海橫流二十年
休道不蒙稽
古力幾家兒女得安全

乞得田園自在身不成還更入紅塵只愁六月河
堤上高柳清風睡殺人

贈羅友卿三首

一般華木各榮枯筦庫區區亦仕途前日江東羅
給事只今城裏范萊蕪

不離城市得幽棲未要坊名改碧雞種下五株桃
樹子本無心學浣花溪

閒中日月病中身寂寞相求有幾人莫怪門前可

羅雀詩家所得是清貧

又解嘲二首

鴈後花前日日閒頗思罇酒慰愁顏憑君細數東
州客誰在花花綠綠閒

詩卷親來酒醖疎朝吟竹隱莫南湖袖中新句知
多少坡谷前頭敢道無

爲衍聖孔公題張公佐湘江春早圖二首張

自書云涂水張公佐畫時年八十一先大夫

嘗題公佐畫有雲靜洞庭秋寺月雨昏湘浦
夜船燈之句因及之

郭熙畫筆老益壯未比并州九十翁想是江南春
夢裏水村曾見酒旗風

黃陵祠下雨如繩老筆題詩想舊曾今日圖間見
晴景依然愁絕夜船燈

渾源望湖川見百葉杏花二首

四月山泉凍未開東君纔爲挽春迴多情丹杏知

人意留着雙華待我來

兒時憶向西溪廟丹杏曾看百葉花今日山中見

雙朶自憐顛顛老天涯

陵川西溪二仙廟有
百葉杏兩株在殿前

代州門外南樓二首

東洛西秦往復迴幾番風雨與塵埃家山最與南
樓近三十三年恰再來

汀樹微茫岸草青滹河四月水泠泠鳳山可是生
來巧堪與南樓作卧屏

以玉連環爲呂仲賢壽

玉環何意兩相連環取無窮玉取堅願得主人如
此物呂翁他日作回僊

劉壽之買南中山水畫障上有朱文公元晦

淳熙甲辰中春所題五言得於太原酒家

蜀山青翠楚山蒼愛玩除教寶繪堂且道中州誰
具眼晦庵詩挂酒家墻

紫微劉尊師所畫山水橫披四首

劉時年
八十六

納納溪橋逗晚風水村山閣往來通馬蹄踏遍黃
塵路畫裏初逢避俗翁

胸次江山老更奇太初元氣入淋漓仙翁不是人

閒客俗筆休將比郭熙

溪橋
獨步

瓦盆濁酒憶同傾鄉社豐年有笑聲世外華胥誰

復夢且從圖畫看升平

江亭
會飲

筆頭雲景性中天誰似仙舟有靜緣只合此閒添

此老脫巾和月弄江烟

秋江
待渡

東山四首

半欲天陰半欲晴層巒疊巘各分明去年風雪無
多景看盡東山是此行

自笑平生被眼謾看山只向畫中看天公老筆無
今古枉着千金買范寬

錦里春光風馬牛鳥飛不到太湖秋一丘一壑都
堪老且具神山烟景休

馬水橫陳聖阜前滹沱陂堰遠相連魚多只說牛

家滙何處秋風有釣船

牛家滙在
神山下

曉起

鬢毛衰颯病凌兢暫入紅塵倦不勝學似玉山樵

客了八年流落醉騰騰

予痛飲至是八年
故用韓致光此句

追錄乙未八月十七日莘縣夢中所得

夢裏哦詩信口成分明濟水道中行夢迴真到哦
詩處滿馬西風雲月清

感興四首

夢中驚見白頭新信口成篇却自神天上近來詩
價重一聯直欲換青春

後二句夢中所得

詩印高提教外禪幾人針芥得心傳并州未是風
流減五百年中一樂天

廓達靈光見太初眼中無復野狐書詩家關捩知
多少一鑰拈來便有餘

好句端如綠綺琴靜中窺見古人心陽春不比皇
華曲未要千人作賞音

從孫顯卿覓平定小山

愛殺熙春萬玉峯網船迴首太湖空一拳秀碧烟
霞了早晚東山入袖中

墨竹扇頭

嫩香新粉玉交加小筆風流自一家只欠雪溪王
處士醉來肝肺出枯槎

王希古乞言

支幹空虛不救貧素衣空染洛陽塵一龜早晚搯

牀了袖手風簾閱市人

龍門公墨竹風烟夕翠二首

渭川東望水雲寬
雨潤烟濃下筆難
今日龍門圖上看
蕭郎只合老荒寒

烟梢露葉捲秋山
揮灑縱橫意自閒
莫問筆頭龍未化
看看霖雨滿人間

從希顏覓篤耨香二首 追錄

綠洋奇品賽濃梅
永憶薰爐試淺灰
尤物也知人

愛惜簾篩風動只縈回

自倚詩情合得消
莫寒新火覺無聊
懸知受用無多在
試往新詩乞斷瓢

戲贈柳花

誰擘輕綿亂眼飄
不教翠紐綴長條
只愁更作浮萍了
風捲波衝去轉遙

喬夫人墨竹二首

萬葉干梢下筆難
一枝新綠儘高寒
不知霧閣雲

金詩卷七十一
七
窓晚幾就扶疎月影看

只待驚雷起蟄龍忽從女手散春風渭川雲水三

千頃悟在香巖一擊中

夫人參洞
山禪有省

醉貓圖二首何尊師畫宣和內府物

甯邊癡坐費工夫側輓橫眠却自如料得仙師曾
細看牡丹花下日斜初

飲罷雞蘇樂有餘花陰真是小華胥但教殺鼠如
丘了四脚撩天一任渠

藥山道中

石岸人家玉一灣樹林水鳥靜中間此中未是無
佳句只欠詩人一往還

善應寺五首

平岡回合盡桑麻百汊清泉兩岸花更得青山作
重複武陵何處覓仙家

石潭高樹映寒藤閒有沙鷗靜有僧總愛山陽竹
林好七賢來了更誰曾

夕陽人影臥平橋倦客登臨不自聊且放游魚覓
歸宿爭教白鷺逞風標

山中魚鳥夙相親問舍求田有主人自讀舊題還
自笑七年鞍馬只紅塵

前題善應寺壁有紅塵鞍馬幾時休之句又七年矣

困不成眠百感生田家燈火夜深明無因洗耳風
沙底枉費潺潺落枕聲

摘瓜圖二首樗軒家物

四摘空留抱蔓詩阿婆真作木腸兒履霜只說琴

心苦不見房陵道上時

高鳥長憂挂網羅如庵日月共消磨憑君莫話前
朝事比似黃臺摘更多

黃華峪五絕句 刻

樹經凍雨半青黃山入高秋老更蒼且就同游盡
佳客不妨五日未重陽

紅葉黃花風露清比來春色不多爭秋山却也堪
人恨白與高歡作錦城

萬古飛流瀉不供枉教噴薄困魚龍謫仙剩有銀
河句不道香爐更一峯

天漢何因有蚌胎無窮水電落懸崖只愁馳背糗
糊錦翻倒龍宮復此來

乞得三泉住不成風沙鞍馬負平生故山定已移
文了又被黃華識姓名

七賢堂

水上盤陀不見人烟中白露玉無塵竹林未恨風

流減負殺共城麴米春

是日有餉名酒獨酌水邊

峽口食鱖魚有感

無奈微雲疎雨何孟公詩律費研磨憑君莫愛襄
陽好縮項鱖魚刺鯁多

簡之畫松風圖爲修端卿賦二首

董元老筆鬱盤盤萬壑蒼雲復此看絕似鳳凰山
下路秋風無際海波寒

新亭相泣血沾襟一日神州見陸沉好就崆峒山

叟問醉眠春晝果何心

秋江待渡橫披

物外琴尊合往還爭教俗駕點溪山畫師果識閒
中趣只作橫舟落照閒

贈答要襄叔二首

長洲連日遠相迎展讀新詩眼倍明鄧下舊人多
念我感君兼有故鄉情

文擬邳侯下筆難韜春一讀不知寒名家未覺風

流滅洗眼青雲看阿端

襄叔之先人擬下邳侯傳
作竇韜春以賦火焙又其

兒子小字端
平方就學

贈修端卿張去華韓君傑三人六首

姓字舊熟相知新三子皆我眼中人洛西荒山有
此客酒光灑灑梅花春

去華手中倒樹榭亦要筆力挽千鈞知君辦作南
山豹霧雨七日蔚成文

掃地焚香樂有餘情知怏怏米鹽書枉教棄擲泥

塗了綠髮修郎玉不如

古來馬隊非講肆韓生頗似周生勤舉家都無擔

石粟老氣仍有垂天雲

中庸胡公隔天壤

寶臣近
日客死

大木失望工師來明堂

老手李明府我知此公無棄材

謂李順
陽吉甫

乳虎守穴子可探斫頭不屈貧所甘異時三客俱

焰焰人倫東國吾無慚

秋江曉發圖

百轉羊腸挽不前旃車轆轤共流年畫圖羨殺扁
舟好萬里清江萬里天

題山亭會飲圖二首

女几樵人塞上詞

劉景
玄號

溪南老子坐中詩因君喚

起山亭夢好似三鄉共醉時

曾將心事許烟霞酒榼書囊便是家前日山亭亭

上客而今鞍馬老風沙

洛陽衛良臣以星圖見貺漫賦三詩為謝

敗筆成丘死不神侯門書卷欲誰親鰥鰥魚目漫
漫夜盼到明星老却人

參旂亦自遇災年橫被狐星射右肩牽牛只有楮
機石送與天公折聘錢

西虎東龍總伏雌老墓却是可憐兒星圖何物堪
相報藉用盧仝月蝕詩

題鷺鷥敗荷扇頭

荷經凍雨綠全枯葦到窮秋影亦疎爲問風標兩

公子此中能有幾多魚

西山樓爲王仲理賦二首

天日晴明四望開樓中舒嘯亦悠哉闌干十萬人
家裏只有青山入眼來

柱笏西山老騎曹朝來爽氣與秋高休將人物輕
題品湖海元龍興未豪

樂天不能忘情圖二首

得便宜是落便宜木石癡兒自不知就使此情忘

不得可能長在老頭皮

芙蓉脂肉紫霞漿別是仙家煖老方只枉柳枝攔
下得忘情一馬亦何妨

燕省掾屬張彥通舉釋菜之廢典仁卿以詩

美之亦賦二詩

一奠區區入詠歌請看文治竟如何李侯落筆非
無意告朔羊存得已多

一日新儀見泮宮共驚綿蕝有遺風他州亦可燕

中比只在今無百彥通

采菊圖二首

信口成篇底用才淵明此意亦悠哉枉教詩景分
留在百繞斜川覓不來

夢裏烟霞卜四隣爭教晚節傍風塵詩成應被南
山笑誰是東籬采菊人

無塵亭二首

霧廓雲開病未能波流草靡亦何曾胸中自有西

風扇身外休論有髮僧

日日門前車馬喧玉壺冰簟酒如川亭中剩有題

詩客獨欠雲閒李謫仙

時仁卿尚未到燕

李廣道寫真二首

華髮蕭蕭玉鍊顏一篇秋水想高閒須知八表神
游客不在披裘擁絮閒

擁絮披裘動數千肉身那得盡飛仙玄門此老留
教在滄海橫流未必然

錢過庭烟溪獨釣圖二首

鞍馬風沙萬里身眼明驚見楚江春綠蓑衣底玄
真子不解吟詩亦可人

小景風流二百年典刑來自米家船詩人無復承

平舊重爲遺音一慨然

畫學米元章楚山清晚故有上句

蒼崖遠渚圖二首

深谷高林自一天紅塵無路近風烟兩椽茅屋平
生了況是清溪有釣船

竹帛功名一筆無殘年那復計榮枯青山未得攜
家去惆悵題詩是畫圖

三士醉樂圖

依樣胡盧畫不成三家兒女日交兵瓦盆一醉糊
塗了比似高談却較爭

鄉郡雜詩三首

余家自五代以後自汝州遷
平定宋末又自平定遷於忻

故文字中以
平定爲鄉郡

百年喬木鬱蒼蒼耆老風流趙與楊爲向榆關使

君道郡中合有二賢堂

楊吏部之美臯落
人間閒曾守此郡

神仙官府在瀛洲何意閒閒得此留莫笑山城小

於斗他州誰有湧雲樓

樓閒閒
所建

故鄉飛鳥亦裴徊更覓何鄉養不才見說陽泉好
春色野夫乘輿欲東來

宗人明道老師澹軒二首

潞人澹社有來源濟水分流到澹軒莫問軒中賓
與主一家同是潞州元

淡中無味着鹹酸老口年多不受謾流外已曾增
一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門喬木未須論

巨室青衫今

一作誰

有讀書孫

東國人門幾百年素風纔到此公傳卷中甚欲題
詩句慚愧韋家祖德篇

商正叔隴山行役圖二首

隴坂經行十過春也隨風土變真淳吳山汧水不
必畫留在秦音已可人

夢中陳迹畫中詩前日行人鬢已絲我亦寒亭往
來客因君還寄出關詩

息軒秋江捕魚圖三首

擲網牽罾太俗生烟波名利不多爭綠蓑衣底玄
真子可是詩翁畫不成

擊甕喧天網截河得魚何啻一罾多漁郎不作明

年計奈此纖鱗細甲何

正始風流一百年竹谿衣鉢有真傳玉堂人物今
安在紙尾題詩一慨然

東平李漢卿草蟲卷二首

蟻穴蜂衙筆有靈就中秋蝶最關情知君夢到南
華境紅穗碧花風露清

過眼千金一唾輕畫家元有老書生草蟲莫道空

形似正欲爾曹鳴不平

李資高亢視錢幣如糞土
貴人求畫或大罵而去故

不與
世合

郭熙溪山秋晚二首

烟中草木水中山筆到天機意態閒九十仙翁自

遊戲不應辛苦作荆關

雲樹微茫石崦開吳兒洲渚不塵埃憑君記取題

詩處杖履適從猗谷來

七賢寒林圖

萬古騷人有賞音畫家滿意與幽尋題詩記取崧

前事絕似馮雷入少林

右丞文獻公著色鹿圖

野鹿標枝氣象閒
老皇頻歲赦秋山
不妨右相丹青筆
時到霜林紫翠閒

李仲華湍流高樹圖二首

細密功夫足自神
經營慘澹欲誰親
却應林影湍聲外
猶欠吳山小筆春

小景風流恰入時
留題紙尾竟何辭
不因脫兔投

林了何處而今更有詩

癸巳正月之變逆黨中有欲謀害已者賴仲華力爲

營護得釋故篇未有及

益都宣撫田侯器之燕子圖詩傳本已亥秋
七月予得於馮翊宋文通家會侯之子仲新
自燕中來隨以歸之仲新謂予言兵閒故物
一失無所復望乃今從吾子得之煥若神明
頓還舊觀似非偶然者方謁時賢以嗣前作
幸吾子發其端因賦三詩

紅綫還驚掌上，看十年音信海漫漫。渠家王謝堂前慣，暗認曹劉可是難。

古錦詩囊半陸沉，吳楓句好入江深。世閒妾婦爭相妬，禽鳥區區却賞音。

首句謂怨家投李長吉詩廁中

才氣田侯絕世奇，山丘零落更堪悲。休驚燕子詩留在，化鶴歸來未可知。

前高山雜詩六首

夢寐烟霞卜四隣，眼明今日出紅塵。山中景趣君

休問，谷口泉聲已可人。

山經地志總難憑，鄉社留傳太俗生。前後兩高從我改，合教松海作新名。

蚊聚蛙喧杳不聞，已甘麋鹿與同群。胸中所得知多少，半是青松半白雲。

世上初無物外緣，人間却有洞中天。如何常伴王居士，買盡青山不用錢。

白驢前日鳳山迴，爲愛朝元復此來。却憶廣陵劉

老子醉吟應在釣魚臺

白首同歸未省曾青山獨往竟誰能莫嫌麋鹿無
情識比似人閒少愛憎

題石裕卿郎中所居四詠

寓樂堂

此心安處是真歸念念今知故習非一首新詩一
杯酒五陵裘馬自輕肥

德恒齋

養心如虎亦良勤血戰紛華老策勲百草千花過
春雨白衣蒼狗看浮雲

雪巖

貞松勁柏四時春霽月光風一色新置屋懸崖儘
堪老層冰千里只愁人

聾齋

弓刀陌上未知還心寄漁郎答答閒名作聾齋疑
未盡崑山衣鉢在遺山

贈李子範家兒子

神理乘除不偶然只疑陽報向君偏
試評掌上明珠價幾倍諸家覓藥錢

跋文獻公張果老圖

耆舊能談相國賢功名欲占冷巖前
清風萬古猶應在未用仙公甲子年

三鄉雜詩一首

溪南老子坐詩窮窮到簞瓢更屢空
五鳳樓頭無

手段碧雞坊外有家風

釣州道中

野陰莽蒼日將夕歲律崢嶸風有聲
從昔南山歌短褐何時北闕請長纓

十月二十日雪

和氣休論歲欲豐且看蕪穢一時空
臨高賞雪人何限誰在瓊瑤世界中

哭曹徵君子玉

去歲流言到處疑聞君哭我不勝悲今年我在君
先沒淚盡荒城君得知

又

遶墳三匝去無因千里冰霜半病身
斗酒隻雞孤舊約素車白馬屬何人

二十六日早發安生道中雨木冰

玉樹瓊林世界寬木冰真作雨花看
青青也被糊塗盡松柏何曾保歲寒

書貽第三女珍

珠圍翠繞三花樹李白桃紅一捻春
看取元家第三女他年真作魏夫人

隱秀君山水爲范庭玉賦

萬壑風烟入座寒六銖仙帔想驂鸞
多少金閨畫眉手吳山纔得鏡中看

送子微二首

老年鞍馬不勝勞更問狐裘與緼袍
到了龍門有

何好伊川清淺石樓高

古來何物是經綸一片青山了此身亂後洛陽花
木盡不妨閒作水南人

雪行圖

太一仙舟雲錦重新郎走馬杏園紅騎驢虧殺吟
詩客到處相逢是雪中

寄杜莘老三首

夢裏雲山一臥屏先生畫筆果通靈不妨行藥長

安市纔是前生許道寧

一片青山共白雲春林烟景入晴曛祝君老眼明
於鏡毫末清妍子細分

盃酒殷勤興不孤更教懷袖得新圖綠囊自是君
家物醫得烟霞痼疾無

已酉四月十七日度嶺

四海虛名值幾錢世間何限好林泉無情石嶺關
頭路行去行來又十年

劉君用可庵二首

末節繁文費討論經生規矩是專門惡惡不可惡
惡可笑殺田家老瓦盆

着脚繩橋已足憂邯鄲匍匐更堪羞惡惡不可惡

惡可大步寬行老死休

惡音鳥

耀卿西山歸隱三首

馬卿為耀卿張君寫真未幾被召北上

靜裏簞瓢不厭空北窓元自有清風傅巖只道無人識已落君王物色中

馬卿似與物為春難狀靈臺下筆親預拂青山一片石異時真是卷中人

冠劍靈臺大縣侯當春漁釣一羊裘山林鍾鼎無心了誰是人間第一流

東丹騎射

意氣曾看小字詩畫圖今又識雄姿血毛不見南山虎想得弦聲裂石時

虛名

全金詩卷七十一
三
虛名不值一錢輕
喚得嗷嗷百謗生
可惜客兒頭上髮也隨春草鬪輸贏

投書圖二首

一束空書不療饑
浮沉隨水恰相宜
醬蒙藥楮輕拋却却是洪喬見事遲

屈作書郵未肯心
百函隨水聽浮沉
虛名底用寒溫問却是洪喬最賞音

題劉威卿小字難素冊後二首

伎道精微得處難
書林頭白一儒冠
陰功厚薄君休問只就蠅頭細字看

齒牙餘論足輝光
東國人倫趙與楊
曾是兩公門下客殘年袖手亦無妨

龐都運山水

門闌喜色到崔盧
文賦聲名逼兩都
重爲溪山感疇昔風流還有此翁無

歸義僧山水卷

松少經行二十春野麋山鹿盡情親而今身落京
塵底畫出林泉亦可人

武善夫桃溪圖二章

物外烟霞卜四隣武陵不是避秦人軟紅香土君
休羨千樹桃花滿意春

金罽穆穆六月寒桃花春夢隔征鞍青山歸計何
時辦畫卷空留馬上看

巢雲曙雪圖武元直筆明昌名士題詠

風流人物見承平半向巢雲有姓名畫手休輕武
元直胸中誰比玉崢嶸

書扇贈李湛然

江楓搖落海門秋江水無風月半樓未要吳儂誇
勝槩已從詩境得天游

普照范鍊師寫真三首

嚮日神仙看地行只今烟駕想雲程石梁畫出西
流寺無復鏗然曳杖聲

傾蓋論交了歲寒眼中人物似君難
流波意在誰真識未絕朱絃已廢彈

鶴骨松姿又一奇化身千億更無疑
人間只說乘風了覲面相呈却是誰

祖唐臣所藏樗軒畫冊二首

綠盡紅香夢已空草黃沙白思無窮
波閒野鴨渾

無賴長著詩人慘淡中

敗荷野鴨

牧笛無聲畫意工水村烟景綠楊風
題詩憶得樗

軒老更覺升平是夢中

風柳牧牛

過威卿鎬厲王故居

天道循環只眼前果誰烈焰與寒烟
種瓜四摘渾閒事抱蔓無人更可憐

走筆題十老會請疏

痛飲形骸百不成天教鄉社送餘生
病夫近日添新喜十老圖中有姓名

七夕

全金詩卷七十一
天街奕奕素光移雲錦機閒漏箭遲誰與乘槎問
銀漢可無風浪借佳期

馬雲卿畫紙衣道者像

太古清風匝地來紙衣長往亦悠哉鐵牛力負黃
河岸生被曹山挽鼻迴

歸義興侍者溪山蕭寺橫軸

石磴雲松百八盤東峯日上海波寒老來丘壑風
流減却就禪房覓畫看

雲漢此畫甚有泰山典刑
因記東峯看日出時故有

上句

胡壽之待月軒三首

一幅清風竹寫生月華霜白紙如冰天公老筆無
今古枉却坡詩說右丞

愛竹髯參發巧新能教一影具形神千門萬戶清
光裏袖手東窓有幾人

形似何曾有定名每從遊戲得天成墨君解語應
須道猶欠風琴一再行

御訂全金詩增補中州集卷七十二

金元好問原本

元好問十

真味齋

麤飯寒菹老此身高人那計甌生塵味無味處君
知否道着琴書已失真

喬夫人彩繡仙人圖

彩服仙童畫不如直疑萊子戲庭除青紅未是春
風巧一頌椒花更有餘

出山像

不見恒星莫漫驚日頭從此向西生只知大事因
緣了依舊雲門望太平

超禪師晦寂菴

無波古井靜中天三尺藜牀坐欲穿一語調君君

莫笑妙高峰頂更超然

自題寫真

東塗西抹竊時名一線微官悞半生不畫幼輿巖
穴裏野麋山鹿欲何成

贈寫真田生三章

人物翩翩美少年書生穎悟亦天然燕南只道丹
青好棄擲泥塗自可憐

萬態千形畫裏看人人睂目與衣冠情知不是裴

中令一片靈臺狀亦難

市井公卿萬一作邈不同依然見解一兒童張顛草

聖雄千古却在孫娘劍器中

贈高君用

君益仲弟

杏苑仙郎合探花虛傳佳句滿京華
丁寧王謝堂前燕文采風流有故家

周才卿拙庵

詩筆看君有悟門春風過水略無痕
庵名未便遮

藏得拙裏元來大巧存

郭大方自適軒

自適還曾自適無半生枯寂坐禪居
馬卿若也知人意只畫梁家舉案圖

晴景圖

白日青天下筆難要從明潤細尋看
藏山只道雲烟好畫史而今盡熱謾

金山

在忻口南

攢青疊翠幾何般玉鏡修眉十二環常着一峯烟
雨裏苦才多思是金山

覃彥清飛雨亭橫披

百道懸流注夜光畫中亭榭亦清涼何人與問長
安客赤日黃塵有底忙

讀漢書

室方隆棟非難構水到頽波豈易迴豐沛帝鄉多
將相莫從興運論人才

內相楊文獻公哀挽三章效白少傅體

征南諫疏無多語大度高皇有至仁留得青囊一
丸藥異時猶可活斯民

中臺啓事山吏部東閣詞臣何水曹松柏蕭蕭一
丘土龍門依舊泰山高

姓名三字金甌重事業千年片簡青試向雲間望
光彩看從何地現文星

花光梅

草聖前頭一樹春豪華落盡只天真寫生今向君
家見疑是花光有兩身

夏山風雨

慘淡經營有許功吳僧誰得嗣宗風情知一雨收
晴了更沒塵沙到坐中

春雲淡冶

一抹平林素練橫數堆寒碧白烟生春雲可是多
姿態五字韋郎畫不成

雪谷早行圖

卷中多國朝
名勝題詠

雪擁雲橫下筆難爭教萬景入荒寒詩翁自有無
聲句畫裏憑君細覓看

胡叟楚山清曉

剪得吳淞一片秋江山小筆也風流卷中未有題
詩客留待才情趙倚樓

辛亥九月未見菊花

黃菊霜華日日添也應有意醉陶潛鬢毛不屬秋

風管更揀繁枝插帽簷

答俊書記學詩

詩爲禪客添花錦
禪是詩家切玉刀
心地待渠明
白了百篇吾不惜
眉毛

臺山雜詠十一首

甲寅
六月

登臨夙有故鄉緣
試手清涼第一篇
知被錢郎笑
寒乞不將錦繡裹山川

萬壑千巖位置雄
偶從天巧見神功
湍溪已作風

雷惡更在雲山氣象中

顛風作力掃陰霾
白日青天四望開
好箇臺山真面目
爭教坡老不曾來

山雲吞吐翠微中
淡綠深青一萬重
此景祇應天上有
豈知身在妙高峯

兜羅綿界寶光雲
雲際同瞻化現身
解脫文殊俱有說
是中知有木強人

真向華嚴見化城
翻嫌金屑翳雙明
惡惡不可惡

惡可未要雲門望太平

總爲毗耶口不開龍宮華藏頓塵埃對談石上維

摩在珍重文殊更一來

咄嗟檀施滿金田遠客游臺動數千大地噉噉困

炎暑山中多少地行仙

石罅飛泉水齒牙一盃龍焙雪生花車塵馬足長

橋水汲得中冷未要誇

凜凜長松臥澗阿提壺悲嘯撫寒柯萬牛不道丘

山重細路沿雲奈爾何

熱惱消除佛作緣山頭冰雪過尖天法王悲智無

窮盡更有清涼遍大千

跨牛圖

才子唐人冠服作哦
詩狀牛後帶琴書

畫出升平古意同江村渺渺綠楊風看來總是哦

詩客遠勝騎驢着雪中

隨駕張珪似
是摹古人本

贈湛澄之四章

眼花看碧漸成朱兀兀陶陶樂有餘柳岸醉僧堪

一笑強教分別竟何如
兒女團團龐行婆漉籬活計苦無多布囊歸去詩
千首猶欠庭珪墨一螺
十年不見山堂老賴有澄之在眼中總道木庵枯
淡好東風花柳各青紅
散聖風流有別傳漆瞳一點出人天石門故事君
知否好佐涪翁學刺船

三門集津圖

南北爭教限大江吳家纔了又陳亡畫工只說三
門險不記茅津一葦航

乙卯端四日感懷

衰年那與世相關苦被詩魔不放閒好箇舊家長
樂老無才無德只癡頑

山村風雨扇頭

總爲詩翁發興新直教畫筆亦通神莫嫌風雨無
多景截斷黃塵亦可人

跋蕭師鷺鷥敗荷扇頭

徐榮之畫

蕭蕭烟景帶霜華
公子風標浪自誇
可道浣花詩境好
鷓鴣瀟瀟滿晴沙

袁顯之扇頭

雙鷺聯拳只辨愁
枯荷折葦更窮秋
風流綠影紅香底
好箇鴛鴦百自繇

贈司天王子正二首

慣見河邊織女機
枯槎八月未成歸
樓遲零落今

如此枉却星翁比少微

天容海色本澄清
萬古東方有啓明
七十七年強健在
不妨林下看升平

工部趙侍郎下世日作

鶴骨翛然臥石牀
情知合眼卽仙鄉
安時處順吾儒事
枉却南華說坐忘

跋耶律浩然山水卷

六月三泉松桂寒
西風早晚送歸鞍
無因料理黃

塵了只得青山紙上看

貞燕

杏梁雙宿復雙飛海國爭教隻影歸想得秋風漸
涼冷謝家兒女亦依依

污潔難將一類推舊家紅綫可無疑豚魚自是詩
家語輕擬庭闈恐未宜

楊祕監雪谷早行圖

息軒畫筆老龍眠雪谷冰橋自一天六月高樓汗

如雨豈知方外有詩仙

杜莘老夏日汾亭橫軸

杜侯老筆堯民意黃閣清風有故家庸俗紛紛小
兒女枉教塵土浣烟霞

武元直秋江罷釣

莫山明月曉溪雲今古仙凡此地分醉後狂歌問
漁叟殘年何計得隨君

張彥遠江行八詠圖

奉使時
所見

楚山平浸楚江流
放眼江山得意秋
一寸霜毫九雲夢
合教轟醉岳陽樓

題馮漕緩之碩人在澗橫軸

胡先生畫

見說雲霄意氣豪
幾迴攬鏡惜顛毛
不爭畫得林泉好
轉使山人索價高

題邢公達寒梅凍雀圖

褐衣相媚不勝情
只許乾暉畫得成
却被詩人笑寒乞
一枝風雪可憐生

秀隱君山水

烏鞵踏破軟紅塵
未信溪山下筆親
圖上風烟看瀟灑
畫家亦有魏夫人

同梅溪賦秋日海棠二章

錦水休驚散綵霞
換根元自有靈砂
瓊枝不逐秋風老
自是人間日易斜

翠袖紅妝又一新
秋風秋露發清真
丹青寫入梅溪筆
桃李從今不算春

梁氏先人手書

玄蚪飛跳九天門秦火驚看片紙存耆舊風流知
未滅青山還見讀書孫

薊北杜國寶以真定教官李進之所謨大父
中憲公及其先人帥府從事行狀見示用題

三絕其後

總道清流解致君白袍唐日已紛紛科名屈殺漁
陽老章甫何人不惠文

兒戲將軍百不知枉將壁壘副安危論功纔得鹽
山令堂上奇兵果是誰

堂掾談經見蚤成諸郎難弟復難兄長留北海文
章在千古雲麾有姓名

贈訾子野高士二章

仙翁高弟獨君優胸次清明辨九流我是愚溪一
愚叟不妨同醉訾家洲

月旦今誰許與陳乍賢乍佞日紛紛鳶肩燕頤非

吾事一片靈臺欲副君

虛名玉表或碻中薄命何堪與共功東國人倫要
真識好將傳與黑頭公

戲相師

珥貂簪筆赴鋤犁何必人人貫伏犀胸次九流君
自了看來唯少醉如泥

留贈丹陽王鍊師二章

信得人間比夢間一卮芳酒且開顏當時笑伴今

誰在詩客淒涼飯顛山

爛醉^元都有舊期百年人事不勝悲桃花一簇開
無主留着東風與兔葵

避兵陽曲北山之羊谷題石龕

冥鴻正恐絳疑網脫兔不忘投茂林世故驅人真
有力天公困我豈無心

壬子寒食

兒女青紅笑語譁秋千環索響嘔啞今年好箇明

寒食五樹來禽恰放花

爲橄子釀金二首

明珠評價敵連城棄擲泥塗意未平十萬人家管
絃裏獨憐金石隱商聲

秋來聞說酒杯疎却爲窮愁解著書知是還山亭
上客無衣無褐欲何如

李子範生子

六峯靈氣未消沉雛鳳翩翩翠作衿名姓定知書

小錄作詩先與喚瓊林

柏鄉光武廟

老樹剗心不更春當年曾見漢儀新憑君莫話春
陵事笑殺中原逐鹿人

和德新丈

三年老眼暗兵塵今日逢君喜事新結伴還鄉有
成約不應先作北歸人

春日寓興

雨過橫塘水滿堤亂山高下路東西一番桃李花
開盡惟有青青草色齊

滄浪圖

萬頃烟波入夢頻眼中魚鳥覺情親而今塵滿西
風扇愧爾青山獨往人

浩然雪行圖

曲江花柳自升平雪礪冰橋去日情枉却卷中留
好語畫師寒乞可憐生

岳邦獻壽

見君誰不愛清醇壽席今年樂事新八十老翁持
酒勸酣歌一曲太平春

風柳歸牛圖

為張伯
英賦

陂塘渺渺綠楊風牛背升平萬古同忽見畫圖還
自笑枉將書策課兒童

子和麋鹿圖

白髮刁騷一秃翁塵埃無處避西風野麋山鹿平

生伴惆悵相看是畫中

賈氏怡齋二首

兒女青紅薦壽觴階庭蘭玉立諸郎黃金甲第知
何限誰有怡齋致樂堂

一門難弟復難兄籍甚州閭月旦評見說病中王

處士感君兼有急難情

王敦夫寒病勞復歷兩月之久委頓殊甚仲德躬自

調護迄於平善州里稱焉故有上句

與西僧倫伯達二首

行雲孤鶴萬緣輕遙見鄉關眼便明不似遺山元

老子塵埃風雨過平生

半世秦川在夢中幾時蓮社與君同淵明自比吾

何敢或有新詩及遠公

附堯山堂外紀元遺山有錦機集指授學

者晚年力以國史爲已任乃構野史亭於

家凡金源君臣言行記錄至百餘萬言書

未就而卒高唐閭靜軒復挽之曰蕭寺秋

風捲玉荷月明人影共婆娑誰知別後驪
駒曲便是先生薤露歌野史夜寒蟲蠹簡
錦機春暖鳳停梭祗應前日西州路常使
羊曇忍淚過

附堯山堂外紀興定初裕之始以詩文見
閒閒公公爲延譽諸公閒又五年乃得以
科第出公之門公力爲挽之旁有不平者
謂公與楊禮部之美雷御史希顏李內翰

欽叔爲元氏黨人正大甲申諸公貢裕之
詞科公爲監試官以例不赴院宿一日坐
禮曹欽叔從外至誦裕之秦王破建德降
王世充露布公頗爲聳動顧座客陳司諫
正叔曰人言我黨元子誠黨之邪

附堯山堂外紀壬辰北渡順天毛正卿楊
德秀祈仙山寺中蘇晉降筆寫詩數十首
一詩有百僞無一真中有羲黃醇之句餘

詩除酒裏神仙我五言外多不成語二人
初不知晉爲何代人詩爲何人作以語元
遺山遺山曰余二十六七時有詩曰西郊
一畝宅閉門秋草深牀頭有新釀意愜成
孤斟舉杯謝明月蓬華肯相臨願將萬古
色照我萬古心又去古日已遠百僞無一
真獨餘酒鄉地中有羲黃醇聖教難爲功
乃見酒力神誰能釀滄海盡醉區中民今

晉所批乃有此十字晉豈余前身邪將近
時鬼物之不昧者記余詩託名於晉以自
神也晉旣以余詩爲渠所作余亦就酒裏
神仙我五言取償於晉因作樂府曰繡佛
長齋柱伴蒲團過酒鑪橫臥一蹴虛空破
頗笑張顛自謂無人和還知麼醉鄉天大
少箇神仙我

附郝經元遺山真贊云其才清以新其氣

夷以春其中和以仁其志忠以勤不啻蔡
辛與坡谷爲隣歌謠慷慨喜氣津津唾玉
噴珠看花飲醇而乃熱香讀易坐席凝塵
假邪真邪嗚呼復幾千年更有茲人也耶
又遺山銘云士子賈技爭綴緝僥倖寸祿
奔走急以爲詩文作無益糞壤擲棄明月
璧先生卓犖有異識振筆便入蘇黃空開
闢文源翦荆棘大聲復完全金玉擊爛熳長

醉思盈益瑞錦秋花亂堆積險妬護前喘
肝臆群犬舐舐共讒疾塵埃野馬爲鬼域
遺山巖巖倚天壁

附庶齋老學叢談張橘軒與元遺山爲斯
文骨肉張云富貴倘來良有命才名如此
豈長貧元改倘來爲逼人此爲子又云半
篙溪水夜來雨一樹早梅何處春元日佳
則佳矣而有未安旣日一樹烏得爲何處

不如通作一句改一樹爲幾點壬辰北渡
寄遺山詩萬里相逢真是夢百年垂老更
何鄉元改里爲死垂爲歸如光弼臨軍旗
幟不易一號令之而百倍精采

神川遜士劉祁

八首

補祁字京叔渾源人弱冠舉金進士廷試
失意卽閉戶讀書閒出古賦雜說數篇李
屏山趙閒閒楊吏部雷御史王滹南諸公
見之曰異才也皆倒屣出迎交口譽之壬
辰北還鄉里躬耕自給築室牖曰歸潛戊
戌詔試儒人祁就試魁西京選充山西東
路考試官征南行臺拈合珪聞其名邀至

相下待以賓友凡七年而歿年四十八京
叔好三蘇文爲學能自刻厲文章議論粹
然一出於正有神川遯士集二十卷處言
四十三篇歸潛志三卷

補歸潛志余高祖南山翁金國初闢進士
舉詞賦狀元也故爲一代詞學宗雅好成
就後進見其文輒能斷其後中第否當時
名士大夫多出門下學者至今皆師尊之

四子長西巖次龍泉同年擢第二女長姑
及笄將適人一時貴顯者爭求之翁皆不
許張御史景仁時在布衣以所業詣翁翁
嘉之俄爾與爲有司取士張賦甚佳爲隣
坐者剽之盡坐同而黜已而翁知其然遽
以長姑嫁焉家人輩愠翁不恤也後三年
翁復爲有司御試張擢別試魁驟歷清華
以文章擅當世位至翰林院學士河南郡

御史大夫嘗使宋有風節赫然爲名臣世
皆以翁有知人之鑒也後翁墓表張所作
具載其事云次姑適襄陽王元節亦名進
士能詩傳學嘗爲密州節度判官迄今士
大夫嫁女多談公之事也

附 祁歸潛堂記劉子朔方人生於雲中之
渾源山水之間齟齬從父祖仕宦大河之
南初知誦讀屬偶爲童子學少長習時文

爲科舉計然亦時時閱古今詞章竊讀史
書覽古今成敗治亂慨然有功名心未冠
計偕試開封禮部中之及庭而落於是始
大發憤以著述自力頗爲先達諸公所知
又結交當世豪傑未有不與以文字往還
者舊有田淮水之陽春夏在陳視耕穫秋
冬必入汴避亂且從諸公講學已而先大
夫下世遂經紀家事然讀書爲文亦未嘗

少休聞四方交遊來把酒論文談笑連日
夕或留之旬月不令去時雖少年未遂其
進取心而會友著書亦自樂無歎豈知一
旦時移事變流離兵革生資蕩然童僕散
盡從行惟骨肉數口舊書一囊由銅壺過
燕山入武川幾一載始得還鄉里鄉帥高
侯爲築室以居所居蓋其故宅之北四面
皆見山若南山西巖吾祖舊遊東爲柏山

代北名刹西則玉泉龍山山西勝處故朝
嵐夕靄千態萬狀其雲烟吞吐變化窓戶
閒門前流水數枝每靜夜微風有聲琅琅
使人神清不寐劉子每居室中焚香一炷
置筆硯楮墨几上書數卷偃息嘯歌起望
山光臥味道腴爲終日樂雖敝衣惡食不
知也閒嘗自念生而爲儒忝學聖人之道
其平昔所志修身治國平天下窮理盡性

全金詩卷七十二
三
至於命進則以斯道濟當時退則以斯道
覺後世今當壯歲遭此大變更賴先人之
靈得返鄉里幸而有居以自容將默卷靜
學以休息其心力況世路方艱未可爲進
取謀因榜其堂曰歸潛且以張橫渠東西
二銘書諸壁客有過而詰之曰今吾子生
當茲世政英雄奮發之秋大而可以分疆
據土奉王命爲諸侯下而可以附雄藩巨

鎮馳騁才猷謀取富貴或如終童請長纓
入越羈其王致北闕下以功名著不然當
效蘇季子司馬長卿以文詞談說干人主
六印駟馬耀鄉俗吾子奚獨韜光晦迹甘
爲棄物於一時使平日所學眇不見鋒燄
亦鄙陋之甚也劉子曰噫若亦不聞夫君
子之道乎蓋君子之道以時卷舒得其時
而不進爲固失其時而進爲狂且先顧其

內之所有何如亦不在夫外也若平生苦
學豈將徒老焉顧自鬻自求賢者所恥加
之新罹蹇難始欲自脩且將掃除吾先祖
丘墓果其後日爲時所用亦安肯不致吾
君澤吾民如或不然雖終身潛可也易曰
龍德而隱遯世無悶傳曰君子若鳳治則
見亂則隱吾雖非聖賢亦安敢不學乎若
非知吾之志者也客旣去遂書於堂以記

之且歌曰南山漠漠兮渾水洋洋桂椒葱
蔚兮松柏青蒼清泉漏其下兮白石皦以
如霜兕豹跼伏兮鸞鳳翩其來翔世溷濁
而不照兮蹇羝騁夫先路荆榛翦以蒙達
兮野從橫其豺虎矧余志之復迂兮子罕
罕而疇伍歸歟歸歟其潛於南山之下又
歌曰潛於農摯之侶兮潛於漁望之徒兮
顧惟不肖豈敢與俱兮惟茲有堂有琴有

全金言卷七十二
書兮學其所不知求進於聖途兮潛乎潛乎亦可以爲娛兮嘻

附元陳時可歸潛堂記潛之爲言隱也古之所謂隱君子者無江海而閒不山林而幽蓋藏器待時樂天知命不潛而潛者也吾京叔之文之行有不可掩者而以歸潛名所居堂第恐欲潛而不得耳且吾聞之易曰君子之道或出或處或默或語應處

而出非道應出而處亦非道語默何異哉夫魚不厭深矣龍德則不然升潛以其時孔子聖之時者也乃所願則學孔子子謂顏淵曰用之則行舍之則藏其論逸民則曰我則異於是無可無不可良止也聖人彖是卦曰時止則止時行則行動靜不失其時其道光明莊周陽擠陰助者也至其舉養生之道亦引仲尼曰無入而藏無出

而陽柴立其中央豈有吾聖門弟子反專
於潛之一字者邪京叔以書求名老夫告
京叔能勿忘乎謹爲銘曰仲尼駐車蟻丘
漿宜僚陸沉於其旁夫妻臣妾登屋梁季
路往視渠以亡但見虛室依頽牆古人潛
德不欲出那用此字書其堂況君年甫三
十強撐腸拄腹經傳香文氣渾爾詩筆昌
戶外屨滿名飛揚吾恐自此饒薦章遠來

乞銘何可當拈出聖語吾頗長用之則行
舍則藏無入而藏出則陽得時忌作天際
翔勿以深眇賢庚桑歸歟歸歟且和光銘
哉銘哉幸無忘

古意二首

庭前有桂樹綠葉尚

一作何

離披秋風動地起飄落

一作零

將安歸高飛入青雲下飛入

一作落

汗泥貴賤

既偶爾孰爲喜與悲

秋江有芙蓉顏色好鮮潔褰裳欲采折水深不可
涉嚴風下飛霜芳艷空凋歇悵望一長歎臨川無
桂檝

懷長源

涼月夜如水秋風吹紫蘭獨居悵無聊佳人阻河
山山河邈千里相望何時已雲橫鴈影沈露下蟲
聲起烽火照中州西南殺氣浮君居劉山下果若
向時不人生有離別但惜知音絕匣內臥青龍

一作

蛇

光芒射秋月汴水碧參差葉飛空樹枝如何相
憶處還值莫秋時

送雷伯威

朔風起天末落木鳴空山冷霜正凝
返遊子百里還出郭送將別徘徊上高原如何睽離情對此芳
歲闌壯士志四方不須涕洟瀾人生非山海會面
亦不難願子崇明德餘功振文翰長因東南鴻惠
我金玉言

征夫詞

頑陰

一作雲

漠漠秋天黑冷雨瀟瀟和雪滴塗中騎
士衣裳單半夜銜枚赴靈壁中州近歲雨雪多只
因戍馬窺黃河將軍錦帳衣千襲馬上揮鞭傳令
急但令飽暖度朝夕一死沙場吾不惜九重日望
凱歌歸安知中路行逶迤願將舞女纏頭錦添作
征人身上衣

征婦詞

青燈熒熒照空壁綺窓月上莎雞泣良人塞上

一作

沙塞

遠從軍獨妾深閨長太息憶初癡小嫁君時謂

君不晚擁旌麾如何十載尚輿隸東屯西戍長奔
馳秋風戎馬臨關路千里持矛關上去公家事急
將令嚴兒女私情那得顧恨妾不爲金鞴鞞在君
腰下隨風埃恨妾不爲龍泉劔在君手內飛光燄
慕君不得逐君行翠袖斑斕空血染君不見重瞳
鳳駕遊九嶷蒼梧望斷猶不歸況今沙場征戰地

全金詩卷十一
千人同去幾人回君回不回俱未見妾心如石那
可轉

留春曲

絮飛冷屑龍蟠玉花殞香摧鳳銜燭批頰深林叫
新綠倚闌人唱留春曲春光欲去如死灰明年暖
風吹又來何如日日長相守典衣共醉花前杯殷
勤留春春不住白日西馳水東注鏡中絲髮奈老
何君當持杯我欲歌

南京遇仙樓

倚天突兀聳高樓樓上人家白玉鈎落日笙歌迷
汴水春風燈火似揚州仙人已去名空在豪客同
來醉未休獨倚朱闌望明月鸞旌依約認重游

過陳司諫墓

鸞坡烏府舊遊空三尺孤墳野寺中猶有憂時心
不死墓門昨夜起秋風

金末雜詩

附宋陳郁話腴云端平甲午七月八日我師克復彭城麾下洪福得亡金人手抄詩餘於其中得一二篇迺知河朔幽燕渾厚之氣至此散矣因錄其詩存之於感懷篇著其無父子之道亡國之本也於哀遼東王旦篇著其敗亡之迹以見天道之好還也

李國棟

補國棟字夏卿爵里闕

感懷

東金西木兩睽違
由此生男不足依
但願相忘不相
顧莫論誰是復
誰非幾家能用
三牲養千古空
傳五綵衣一把
殘骸無處著不
踈溝壑欲何踈

注自
珞瑜子云東金西木定生五逆之
男僕命庚申日甲申時政為此爾

梁仲經

補仲經字里闕

哀遼東

守臣肉食頭如雪
夜半羣胡登雉堞
十萬人家靡子遺
馬蹄殷染衣冠血
珠玉盈車宮殿焚
娟娟少女嬪羶葷
路逢人語酸辛事
骨痛心摧不忍聞
我今來作遼陽客
入境臨風弔冤魄
遼水無聲遼地空
蕭蕭暮雨天垂泣
青綾慣睡直承明
偏裝縵胡

不稱情見說豺狼當路立自憐烏鵲遠枝驚安邊
計策無何有憂國形骸太瘦生何日凱還思舊職
不才猶可薦咸英

史舜元

補舜元字里闕

哀王旦


昆陽守王
子明也

八月風高胡馬壯胡兒彎弓向南望鐵門不守犯
孤城失我堂堂仁勇將將軍之起本儒臣緯武經
文才過人墨磨盾鼻掃千字箭射戟牙驚六軍憶
昔同時初上疏明日東華聽宣諭我從金轂東巡
邏公總干戈練征戍三月和兵好始修胡兵一夜

襲通州練衣出郊雖頻戰羶帳沿河未肯休將軍
盡出兵如水燒胡之車破胡壘倒戈弃甲萬人
亂轍靡旗三百里金甲煌煌金印光詔書命我守
昆陽雖知人有百夫勇可柰倉無一日糧叛臣暗
作開門策一虎翻為羣犬獲胸中氣憤爆雷聲領
下欲張蝟毛磔將軍雖死尚如生萬里遙傳忠義
名昔聞陝右段忠烈今見常山顏杲卿棟朽榱崩
人短氣平生况切同年義試歌慷慨一篇定洒英

雄千古淚淚

全金詩卷七十一
二
三
四



全金詩卷十一
三

